

Mekim Helpim i Stretpela

Ol famili ken helpim ol turangu lain olsem han na lek nogut, ai pas, lapun lain o i no save rit na rait.

Soim posta

- Soim na ritim ol toktok long boks taim yu tokaut long ol dispela poin.
- Soim ol toktok man long piksa i tok na ritim klia long ol na askim long wanem samting i wok long kamap long dispela boks long piksa.

1. Ol turangu lain olsem ai pas, han lek nogut o ai pas na i no save rit gat rait tu o nogat?

- *Aninit long Lo (Article 1 – UN Universal Declaration of rights) “ olgeta manmeri mama karim ol wantaim fridom na olgeta i wankain long pasin na rait. Yumi olgeta i gat as blong mekim samting stret na kisim wantaim stretpela tingting long mekim gut long ol arapela olsem pasin brata. Ol turangu lain olsem ol disebel o bagarap lain wantaim ol lapun tu i gat olgeta rait wankain olsem yumi ol gutpela lain.*
- *Yu brukim Lo stret sapos yu no makim vot bihainim laik bilong turangu man yu helpim long vot.*

2. Lo i oraitim ol long vot o nogat?

- *Aninit long Mama Lo bilong yumi, bikpela Lo stret, OLGETA Papua Niugini manmeri krismas bilong ol moa long 18 i gat rait long vot.*

3. Bilong wanem na ol turangu lain o lapun lain bai askim famili o ol lain wea ol i gat bilip long en long helpim ol?

- *Taim ol turangu lain o disebel lain i save askim ol lain long helpim ol long vot, planti taim ol dispela lain save givim tingting na pusim ol turangu lain long makim vot bihainim laik bilong ol. Sapos wanpela famili stret olsem tumbuna meri, ating bai ol inap vot gut.*
- *Planti taim ol dispela turangu lain o disebel lain i no save vot gut insait long komuniti bilong yumi bikos planti taim ol gutpela lain save lukdaun na tok pilai long ol.*
- *Tingim, bikos em i lapun o sik o aipas o i no inap wokabaut – noken ting SAVE bilong em i no wok.*

Pinisim tok:

1. Ol turangu o disebel lain i gat rait long vot na Lo i luksave long ol wankain olsem yumi ol gutpela lain insait long PNG na wol tu.
2. Lo bilong PNG i no skelim husat man o meri i gat rait long vot. Ol turangu lain na disebel o lapun tu i gat rait long vot.
3. Em wok bilong yumi long mekim eleksen i fri, stret na fea na nogat trabel bai olgeta pipol gutpela o nogut, yangpela o lapun o nogat save long rit na rait i ken vot gut.